





參寥子詩集卷第十

續許元裕夢中作 許奉議失幼子甚慧方

悲惱中卧于北窗下遂夢為詩覺而記其兩白云未可病中驚老去會須花底喚春歸語甚美而元裕意具于他日必復生俾余續之

北窗支枕夢幽微  
隱隱神明發暗機  
未可病中驚老去  
會須花底喚春歸

琉璃雖破彩雲飛  
演慶高門未易衰  
既有嘉祥能兆夢  
定須他日產熊羆



次韻聞復湖上秋日六言十首

澤畔薰葭蕭瑟露華落日珠浮撫事少陵多感萬  
端獨立懷憂

禪餘偶登絕巘據石聊為欠伸眼界謾分畦畛誰  
知大道無鄰

楚客當年何苦愁懷繚轉非舒賴有管城公子離  
騷萬恨能書

西湖發揮有素最盛唯誇樂天遺愛到君不朽長  
隄一道如弦

處士尚餘陳迹斷碑橫卧林塘婉約梅花秀白騷

人萬古傳香

草蔓行將漬茂菊英稍稍敷金南浦愁窺去燕海  
山莽蒼雲深

江城秋至幾日風物斗覺淒涼鄰女機杼何有夜  
聞促織悲傷

人物年來衰謝背繩追曲周容嗟尔得時蠲蛭故  
能嘲哂鼃龍

涼月娟娟清娟舒光巧入簾櫳萬籟聲同比竹細  
窺一一空中

可怪狙公巧黠猶迷暮四朝三老我身如枯枿瓦



然不動幽品

觀宗室趙明發使君所畫訪戴圖并二小  
詩因次其韻

水石追摩詰風騷類小山每來窺二妙戀戀欲忘  
還  
曉絕千峰玉清妍五字詩胸中盤爽氣彷彿幾人  
知

次韻樓試可承議見招

東州羈旅迹誰親夫子端能給我貧默識松筠霜  
後操靜看桃李夢中春嵩陽勝絕高天下縣令風

流邁古人待得芳菲開爛熳去隨行樂後車塵  
次韻秦少游學士 觀宗室大年所畫江干

晚晴圖四首

數幅生絹上形容萬態心坐窺天下勝何用遠登  
臨

漠漠雲披岫斑斑雨弄晴橫江舟一葉注目使人  
驚

鄉 陽秋閱肝膈無處見微茫時作丹青戲風流冠帝

參差山接野渺莽水連空笠釣沙頭客真宜避世



翁

春陰

浮雲易作雨無端未放春泥十日乾  
須信杏園憔悴煞從來花骨不禁寒

次韻伯言登西樓望桃花

江南梅子已生人京國桃花始放春  
氣候不齊雖可恨一枝猶得見墻墮

小樓西望那人家出屋香梢幾樹花  
只恐東風能作惡亂紅如雨度窗紗

送伯言赴姑蘇上幕

都城公子海賢否良難會從容翰墨場  
班班知所詣超然三四公詞學皆人配  
源流出蘇黃汲引功豈細斯人固才華  
氣節復逢邁一官從幕府未覺薄書礙  
投及却覓行岸中依物外凝香久寂寞  
清絕今可繼初辭廣陌塵笑鼓春江柁  
楚岫與吳山相望扼空際莫唱渭城歌  
臨流增歎喟

贈歐陽季默承議

先公跨箕尾搖曳旌天闕于今二紀餘  
肯復來人間時時對遺編彷彿窺一斑  
夢寐思見之何從暫追攀迺來都城裏  
忽覩庭中蘭方寸寔驚喜典刑



斯可觀抱疴一榻上骨瘦青琅玕為余設幽几氣  
兒徐以寬微詞落玉塵文彩真孔鸞棣花惜未識  
妙香聞朝端先公德未泯四海共仰歎願言付百  
世清風嗣門闈

次韻劉延中延直見贈

劉郎世胄子苦學窮淵源羞為一掬清欲効千尺  
渾君看長鯨質澗壑豈所存操觚妙述作斧鑿無  
纖痕鍾牙不世出審音誰復論鵷鴒理勁翮雲漢  
思孤鶩上追鸞皇游下棄燕雀喧建安誇七子壯  
氣君可吞九衢苦昏霾槐雲蔽重門良辰為我飯  
滿案餘芳蓀軟語夜達旦未覺罷神魂須知名教  
樂不羨富貴尊

酬劉巨載舍人見贈所畫山水扇

冰紈玉粉淨無塵墨妙扶疎更絕倫試問揮毫底  
人物不言從可識天真

觀明發畫李賀高軒過圖

唐年茂寒枝時平多俊良長吉尤震曜春林擢孤  
芳退之于孔門屹屹真棟梁筆力障百川風濶息  
其狂破衣繫麻鞋右顧生輝光一朝與滉輩命駕  
驚煌煌賀初為兒童隨父事迎將須臾命賦詩英



氣加激昂長安衆詞客聲聞爭推揚風流垂異代  
尚想古錦囊君今亦宗英韻勝斯人方少年肯事  
事苦學志獨強風騷擬屈宋妙處相頡頏丹青出  
戲弄配古猶擅場形容示往事彷彿如在旁一徑  
入幽遠古垣繚林莊平橋跨淶水叢薄含蔥蒼晴  
窗為披拂佳興香難忘

次韻東坡過嶺

一時遷客盡難堪二老高懷默自甘造物定知還  
嶺北暮年寧許喪天南安排拄杖尋廬阜斗數征  
衣洗瘴嵐他日相逢長夜語殘燈飛燼落甃甃

次韻代嶺上老人答

閑持箕帚掃崔嵬夾道松陰盡我栽人去人歸真  
一笑壞空成任互輪迴

次韻子由侍郎書事二首

七年依嶺外遇物即防閒宿負初償畢他生豈復  
還飄飄疑鶴侶奕奕藹童顏自許喬松壽玄機密  
鎖關

真材不易得于國寔長城造父還能御驂騑豈憚  
行買田鄰少室為計老餘生居士來何晚江淮遠  
候迎



次韻蘇可見訪峻極遇雨

都城塵土倦茫茫獨喜西來策甚長避暑禪房依  
元爽可人溪雨作清涼飛蚊斗絕簷間鬧乳燕時  
拳砌下篁縣令風流真晉客談餘玉麈自揮揚

揖仙亭

崧陽古今尹製錦誇妙手鳴絃對高堂坐使風俗  
厚政成思考槃觴立宴賓友開亭面緱嶺佳致昔  
未有雲烟靄蔥曠青壁冠星斗三子果真仙揖君  
千載後鸞車駐縹緲彷彿容暫偶天風吹簫笙淒  
響落戶牖紛紛驚坐客往往為回首相顧勿復言

且進杯中酒

次韻試可同游法王嶽寺

兩山修徑盡蒼蕪漫詫當年幸翠輿空觀宸文藏  
寶構不逢衲子話真如林深想見靈根茂勝地宜  
多隱者居涼月照人歸路好傍溪佳樹影扶疎

次韻試可喜雨

東阡北陌久黃埃天遣神龍詎用媒雲似濤頭山  
半起雨如銀竹望中來奔輸澗谷時頽岸噴激電  
魚或暴顯民物有秋真可喜池蓮從此更須栽

峻極夏夜



廣庭無凡株鬱鬱兩佳樹扶疎饒美蔭盤錯根本  
固朝披葉底風夜泣衣上露禪餘自循繞百匝未  
忍住月華帶天來左右發暉素清景非人間冷然  
洗吾慮緬彼大梁下炎蒸毒朝暮朱門曉未開馬  
足已馳騫摧眉事權要幸彼一盼顧素標揮君頭  
擾擾獨不悟

觀宗室曹夫人畫

野水平林渺不窮雪翻鷗鷺點晴空洞房豈識江  
湖趣意象真將造化同  
華屋生知世曹榮誰教天付與多能西風白草牛

羊晚隱見橫崗一兩層

臨平山下藕花洲旁引官河一帶流雨棹風帆有  
無處筆端須與細冥搜

次韻陽翟尉黃天選見寄

寓形宇宙間伏我方以老流光安足恃百歲同過  
鳥頃余嬰網羅文采綠自表自古山林人何曾識  
機巧但記寒崑翁論心秋月皎黃香十年舊學術  
衆衆妙虛懷養天和肯徇奔走開官居職事理晨  
起何用早桐陰滿西齋叱吏供洒掃春余東南來  
野飯煮芹藻先生既清尚令尹亦高蹈相將古寺



行軟語顏晚照公家有疇人虛緣能自葆卜菜蒿  
山陽行當從結好山中饒勝境一覽未易了何時  
命中車共陟雲外嶠翻愁筋力疲不隨追勇蹕公  
詩擬南山雄拔千文峭形容逼真遊返適其要  
藩籬吾未窺敢議窮閭奧

次韻試可嶽祠祭土宿

神祠齋館卧眈眈五更星河屢起瞻劔佩森森趨  
帝右衣冠肅肅奉宸嚴風傳遠壑松千樹人擁回  
廊月一簾四嶽旌旗幢初會散晨烏聲動廟竿尖

贈宗室德強團練

造物賦象質於余頗能名瓊瑤琢其骨冲和擅其  
清公生華屋貴好學從妙齡才高豈容過卓然以  
文鳴厚德滋善養雍容無暫矜區區草莽人未必  
真爾能家藏三萬軸棟架連屋楹牙籤示題目探  
蹟手不停微言固淡泊嗜好如飴餠祖宗開洪基  
累聖致太平洗洗既蕃衍綽綽亦見稱裕陵喜人  
物教率從典刑聯翩試文藝議論參公卿公材寔  
杞梓落落非朽樗願言勤著書會當補朝廷他時  
樹勲業彝鼎信可銘

秋聲



古槐花落小庭中  
夜半風來捲葉鳴  
潁水先生如尚在  
呼兒應問此何聲

次韻天選寄逍遙庵黃居士

收得詞場舉子身  
拂衣高卧傍嶙峋  
休言白日壺中勝  
且看紅顏鏡裏春  
富貴羣爭雖有路  
山林獨往豈無人  
恐君未識陶彭澤  
故約藍輿訪采真

次韻試可同謁子晉祠

古柏連岡三萬株  
朝烟破日翠扶疎  
投鞭下馬得幽境  
共謁賓天帝子居

遺榮少海徑無雙  
便逐浮丘出帝鄉  
可笑而今居

富貴亦思高舉上蒼蒼

哭少游學士三首

江左有豪英  
超驤世無倫  
妙齡已述作  
識造窮天人  
儒林老先生  
相與為友賓  
客來扣治亂  
疊疊披霜筠  
波濶與枝葉  
猶足誇後塵  
青衫入仕初  
十年爭扶輪  
孤嘲可敵衆  
志鬱不得信  
造物念流落  
荐收付洪鈞  
干將不許就  
中畫如有神  
七年投炎荒  
日與山鬼鄰  
妻孥各異土  
相望同參辰  
秋風吹黃茅  
八月瘴霧新  
回車嬰重癘  
惇惇無與親  
中原尚杳隔  
墳壠懷棘薪  
淒涼潁水頭  
魂逝歸無因  
精爽



竟了了挽章見情真流傳到京闕悲讀聞縉紳斯  
人倘不亡光華國之珍彼蒼未易曉三歎鼻酸平  
念子少年日豪氣吞九州讀書知突奧游及無全  
牛當時所獻策考致第一流論高追賈誼氣勝凌  
馬周勝理非空文灼可資廟謀危根易搖動謂子  
不好修嗚呼一齊人奈彼衆楚咻孔門餘四科士  
豈一律求區區事屠釣崛起為公侯數奇信有命  
君亦忘怨尤平生所著書字字鏗琳球子道決不  
泯千載傳芳猷

瓶孟容京口彷彿熙寧末君方駕扁舟歸來自苕

雲中冷忽相值傾蓋忘楚越禪揮龐老鋒辨鼓子

貢舌連宵極名談江閣倚清絕扣檻出龜鼉時取

一笑發

金山江中多龜扣欄即出賓友常以為戲

印溝分淮海濟濟多

俊傑良辰苦招要結好從此設堂堂紫髯翁道德

冠前列

謂孫華老龍圖

風流廣文先炯炯事修潔

謂闕求仁博士

老禪魁藁林冠蓋趨雜還謂慶顯之禪師三豪相繼往墓

木葉屢脫子今復云亡枯碁愈殘缺相逢舊好聞

悲說那忍說明年東下船繫纜竹西月若莫蜀岡

南彈指當永訣



參寥子詩集卷第十一

寄晉卿王都尉

主第耽耽冠北城  
位居侯伯固尊榮  
肯將踏月趨朝脚  
來伴穿林渡水行  
池上紅蕖應漸老  
山中紫筍尚抽萌  
松陽迤邐川原勝  
聞說它時卜釣耕

與田承君宗丞話舊

赤日下西谷  
松門斂餘暉  
蕭然征馬鳴  
客子來者誰  
故人田子方  
六月并州歸  
崎嶇千里道  
問子來何為  
君命不俟駕  
詎敢辭炎曦  
禪庭梵唄歇  
軟語同逶迤  
梧桐掛涼月  
清澗含裳衣  
人生寔萍梗  
同



附一渺渺驚風或暫先波定還相依昔我在南充  
識君英妙時軒軒勇氣節凜凜如熊羆聲名固已  
早時命殊淹遲今茲向魏闕驥足將騰夷聖君隆  
至治諫諍求瑕疵嘗聞至人語子可補拾遺一言  
開堯聰四海風俗移無為出重失蹇諤當自持贈  
言古者事吾豈忘前規

登嶽頂呈試可邦直

第哉中國擅五嶽巍巍崧高據其尊四時百辟盡  
朝會雲幢烟蓋來追奔自餘衆阜何足數擾擾羅  
列真兒孫秋霖乍開原野淨隆曦破海浮朝暎淵

明曠達不事事勝日結客遊山樊山腰下馬躡風  
磴杖屨詰曲躋噴岼窗經玉女援烏寂石漱飛瀾  
鳴潺湲長松吟風和哀響肌膚凜粟淒神魂行窮  
絕頂已瞞側雲烟為我開餘昏昂頭玄天驚尺五  
星斗歷歷俯可捫超然擬與人世絕彷彿有路通  
崑崙洛陽奇峰三十六領畧併入一眼春平生方  
寸喜壯觀茲游氣豁殊軒軒二豪詞筆有餘地請  
賦傑句留山巔風流便可付千載歐梅尹謝相與  
傳

送王彥齡承務還河內



武陵王郎高韻度鞍馬四方無定住眼逢泉石便  
吟哦咳唾珠璣不論數我亦悠悠事不羈浪萍風梗  
隨安之少室山前古蘭若邂逅便與同襟期興來  
岸幘一長嘯清聲激越穿雲嶠竹林故事獨未泯  
人物如君亦高調秋風獵獵促鳴蟬歸路千山入  
馬鞭白袍烏袖宜圖書不羨襄陽孟浩然

寄周臣宗室觀察

帝青天孫多茂良似公人物更難方詩書自負青  
震器風月能收古錦囊科斗雷文陳几席鱗衣蟻  
食耀杯觴都城邂逅傾遲素崧少歸來一夢長

題宗室公震防禦畫後

錯莫江雲結暝陰歸飛宿葉半浮沉毫端領畧無  
遺種想見雍容物外心

蒹葭照雪含餘潤古木攬天氣老成山谷不來居  
士死何人為子一題評

同趙伯充防禦觀東坡所畫枯木

經綸志業終不試晚歲收功翰墨林偶向山僧委  
陳迹每經風雨聽龍吟

蕭然素壁倚枯枝行路驚嗟况所思惆悵騎鯨天  
上去却來人世恐無期



大年觀察許作從駕出南薰門雪霽圖因  
以詩督之

南薰門外照初陽寶馬瑤鞍從玉皇  
千丈雪雲開  
遠野萬枝瓊樹闌新粧筆端妙處君  
先得老去閑  
情我未忘乞與山林資玩好高懸素  
壁爛生光

與廖明畧學士賦餘干縣白雲亭一首呈

吳明府

白雲翔太虛時來傍孤城超然此  
榮觀常恐鸞鶴  
迎能賦自疇昔騷人遺典刑嗣昔  
竟有屬餘代逢  
淵明揮毫無停綴臨流有餘清光  
風轉洲渚爽氣

生軒楹况復廖常州吐詞皆正聲  
歧予浪績貂坐  
想徒搖旌

賦王立之承奉園亭

大裘軒

春  
經綸志四海齟齬不得申大裘縱  
千丈姑覆洛陽

載酒堂

子雲草玄時載酒容常滿君今慕  
若人竹戶誰來  
歎

漱醉亭



潭潭百尺井汲引鳴飛瀾驚回干醉客一漱齒頰  
寒

介庵

一庵容宇宙介意安在哉珍重庵中人空洞無纖  
埃

頓有亭

君家十亭觀基置宛相望是中富墨妙偉哉蘇與  
黃

亦愛亭

扶疎蔭佳木五月風來徐淵明方偃卧亦自愛吾

廬

永日亭

長安富貴人歲月馬上遷岸巾怡永日心事獨悠  
然

永定亭

南華鑑止水烟然見須眉夫子果能定物豈逃妍  
媸

冷然亭

虛室晝生白清風襲衣屣圓蒲燕坐人冷然欲仙  
去



賦歸堂

王郎英妙年功名固堪勉浩然賦歸欣持操真可  
羨

送慈義偁師遊嵩少

道人家住錦溪頭衣袂常含爽氣浮偶踏塵埃經  
北闕却尋雲水過西州水銷陰巖蘭芽動岸柳長  
條春意柔少室峰前無異路莫將陳迹苦追求

東坡先生挽詞

造物周千載真材得豫章經綸等伊呂辭學過班  
楊德厚傾蠻貊名高震虜羗數竒終不偶難與問

蒼蒼

博學無前古雄文冠兩京筆頭千字落詞力九河  
傾雅量同安石高才類孔明平生勲業志鬱鬱闕

佳城

少年持國論不羨洛陽人抗疏志機旣危言駭播  
紳丹表那有謂康濟在斯民竟謫江湖去端居寂  
寞濱

初復中原日人爭拜馬蹄梅花辭庾嶺甘溜酌曹  
溪梁木傾何速椿年竟不齊靈輶向嵩洛行路亦  
悽悽

再哭東坡四首



一時英俊附門墉兄弟從來疏兩龍雄辨未饒端  
木賜品題肯下郭林宗精神炯炯風前鶴操節稜  
稜雪後松無復勝遊參杖屨追雲弄月更雍容  
羣鷲投老竄炎荒瘴雨蠻烟豈易當熏氣內全真  
自葆鐵心無動亦何妨海山出處憑誰共蚤費追  
隨樂未央準易著書人不見微言分付有諸郎  
羽扇綸巾擁帥權高才大纛拂雲烟初聞父老誦  
嘉話綽有風流似昔賢定武人謂公下車  
設宛似韓魏公 譎藉數  
年居瘴海功名無分勒燕然空餘雪浪齋中石留  
與邦人萬古傳

當年吳會友名縉大覺海  
月辨才 盡是人天大道師拔俗  
高標元自悟妙明真覺本何疑籃輿行處依然在  
蓮社風流固已衰它日西湖弔陳迹斷橋隄柳不

勝悲

再哭東坡七首

德政從來主意寬奮髯如怒豈容奸倘逢大事能  
談笑未必風流遜謝安

我冠正笏止談叢凜凜羣鷲國士風却戴葛巾從  
杖屨直將和氣接兒童

大河當日決澶淵橫被東徐正渺漫城上結廬親  
指顧敢將忠義折狂瀾



文登五日召公歸海市奇觀與願違已蟄魚龍能  
再起人間異事古來稀

西湖卷葢拓漪漣十里橫吞碧玉天自謂前身真  
白傅至今陳迹尚依然公平生出處多與樂天同  
樂天在杭西湖築隄為政十六箇月公亦如之

臨淮大士本無私私應物長于險處施親護舟航渡  
南海知公盛德未全衰鄒志完言在嶺外嘗聞人

傳慧州太守方君家人素奉佛一夕夢泗州大聖

來別去將送蘇某過海遂詰之曰幾時當去答曰  
八月去矣後果如期公得命移儋耳志完始未信

後遇方君問之信然

畫圖雖不上凌烟道德芬芳滿世間遼鶴已歸東  
海去烈仙風肯若為攀

孔子韶方平與其姪處度相訪于香山作  
此詩以贈之

洙泗芬芳遠高材尚可求二難俱韻勝小阮更風  
流語歎時容接詩豪未易酬平生喜人物邂逅此  
相投

孔平子書閣所藏石菖蒲

寒溪之濱沙石之竇產此靈苗蔚然而秀有美君



子採持而歸文石相并瀋涇清漪根盤九節霜雪  
不槁置之幽齋永以為好

送處度赴試

異哉曲阜幾世孫白玉受性良且溫詩書禮義祖  
家學擾擾自餘何足論良辰往往專吟誦遠歷曹  
劉攀屈宋肯與齊梁作後塵秋月春花恣嘲弄我  
方杖策過西州指點雲山結勝遊已有詔書催去  
興豈更泉石更淹留征車曉送登長陌月沒參橫  
河漢白期君安穩止龍門不怕臨流遭點額

次韻李端叔題孔方平書齋壁

萬事年來即罷休心繫魚水尚追求草堂早晚投  
君宿紙帳蒲團不用收

菊叢稍稍數金蕖蕎麥芃芃放雪花榆柳繚牆蒼

靄密誰知中有隱人家

白頭幕府尚崎嶇南畝歸休盡早圖強上山川要  
佳句安排風月待相如

舍南舍北盡雲山此處躬耕有底難社飲雞豚好  
鄰里一杯相屬百憂寬

馬蹄逐逐走埃塵官府寧容自在身夜宿南溪孔  
居士青灯相對話悲辛



愛君簷外蕭蕭竹翠幹扶疎一樣齊莫道此君無  
俯仰驚風墜雪亦須低

端居終日少逢迎佳客時來一座頃不見諸郎事  
絃管幽窗唯有讀書聲

肝膽未應分楚越高曾元共水雲鄉

方平五世祖  
避亂居錢塘

愛君善作離騷語清警殊非俗肺腸

仲尼道德高千古老子微言冠百家餘澤流風俱  
擅美那云玉樹倚薰葭

吾鄙從來迹易親只緣同是箇中人漁川魚鳥渾  
相識來往沙頭肯厭頻

行歌亭

孔亭極先生所居

自古山林浪得名欲要人爵謾逃形唯餘世上行  
歌者獨免移文勒戶庭

先生本自負經綸志在丘園世莫親不信請看門  
下客盡為金馬玉堂人

故相范忠宣韓持國滕達

道王仲儀諸公皆禮敬甚厚

嘗聞箕穎卧巢由振蕩高風冠九州欲識當年孔  
寧極依稀堪與若水儔

漁川勝氣藹蔥蔥遠訪先生舊日風閑禮敦詩見  
猶子故知餘澤未終窮



次韻孔處度李榮期同遊汝陽城西等慈  
寺溪堂

汝陽介崧洛郡邑古且幽出郭纔數里招提據清  
流千章鬱古木中有百尺樓循梯到朱欄眼接萬  
象游二豪俱才華筆力勝九牛佳辰同覽眺高懷  
肯悲秋軒渠發笑語遼亂驚鳧鷖平生讀書要取  
用不假鉤想當援毫初應手如見投梔子明月光  
冷然洗吾眸

次韻方平見寄

黃花弄色近重陽山菜紅梨迥得霜節物撩人興

不淺交情如子味何長終期霧約栖岩穴且作賓  
鴻寄野塘它日西湖能過我胡麻供飯煮芹香

寄題南陽劉氏松堂

南陽自古誇雄都山川淑氣無時無中間豪傑相  
間出卧龍光武興王圖有唐昌黎百世士布衣奮  
起為師儒風流異代骨雖朽餘澤尚可濡焦枯劉  
郎先子挺奇質志業文史稱鄉閭詞場較莛一不  
售掉頭便卜溪山居朋雲友月終歲事挾冊教于  
猶區區青松寸根手自植氣概今已凌凡株虬髯  
龍甲拂天籟颯若風雨來江湖悲哉孝思論罔極



新構永與甘棠俱西洲騷人競與賦盛事相詫無  
賢愚續貂自昔人所謂詩成出袖增躊躇

同韓子蒼游黃山觀約高壽朋張公碩不

至

駝裘躍馬去翩翩一舍逡巡箭脫弦仙事未須窮  
傳託勝游聊為好山川穿林絡石驚寒瀏繚白紫  
青對篆烟惆悵能文二三子操觚安得共周旋

子蒼見和二篇再次前韻酬之

涉世伊余寔強顏傷弓困翼尚驚弦論文已失李  
太白採藥行尋葛稚川請置黃公新石研此山出研歸

磨潘子古松煙幽窗寫就經綸志  
完日風雲去幹旋

次韻王潛翁題王孝孫所藏摩詰聽松圖

輞川奇處固難平眼底瞳人要自明  
落落信為霜後操蕭蕭那慮世間聲  
忘言我已輸三士妙曲渠寧羨九成  
此去黃塵沙漠裏時時開匣覩余清  
時孝孫有塞上之行

游葉城韓氏東園

層臺累榭蔚相望古木連雲出繚牆  
可但陶朱能計畧須知猗頓亦材良  
松風菊露滋清夜楚舞吳



歌奉宴觴好在諸郎俱挾冊起家儒術未應忘

過張公碩廷直息軒

涪翁六藝學力可當萬人施州亦英特文武備一  
身風味真頽頽宛然喜相親詩壇嘗屢戰妙奪傾  
縉紳涪翁往播遷風義頗凋淪施州奮不顧伏臘  
凋且勤霜雪槁羣木凜然見松筠施州歸夜臺遺  
編照青春嗟我獨不識覽卷徒悲辛有子紹門戶  
飄飄氣方振能文得父風作語殊不陳源流日疏  
鑿豈易量涯津結廬依通衢隔墻聞蹄輪頽然小  
軒上息偃全天真男兒功名志獲屈終一伸誰能

效急急俛仰車馬塵涪翁為子名高意庶可循



參寥子詩集卷第十二

靜舍與蔡秀如承事會話

浮雲無根蒂合散不可拘忽然覽高風千里各須  
臾吾生共天壤出處良示如憶昔淮水濱與君傾  
盖初翹翹兩弟昆文彩照冰壺門闥本世胄折節  
勝寒儒扁舟倚高岸為我飯伊蒲清談落犀塵鄙  
吝驚掃除一別今四載相忘寄江湖竭來過汝穎  
弔舊投生甯黃緣訪山水歲晚倦回車蕭然古寺  
底彷彿日已晡聞君戶外音倒屣迎前趨胡為予  
來哉吏牒頗馳驅高材困所役何似林間檇清寒



凜敗屋猛燄。枯株胡床坐相對。氣兒溫以舒。明朝各異縣。那得同遠廬。無煩歎離索。且盡一笑娛。

贈耿純叔秘校二令姪

高門知積慶。堂上有諸郎。禮樂非童子。詩書見義方。經營羞弱羽。騰踏羨飛黃。富貴由勤苦。詩書安

五車

可忘。

讀子蒼詩卷二首

蜀國奇男子。能文到古人。淳源稽大雅。妙曲和陽春。節物驚搖落。僧坊斷四鄰。看君新著述。時與短

檠親。

大冊雄文未許窺。百篇先讀海陵詩。疲駕伏櫪空驥首。飛兔流星作磨追。

贈賢上人

恒山道人。棄妻孥。壞衣祝髮。從浮屠。愛纏欲網。豈易脫。慧劍劃斷。真須臾。飄然雲水出。鄉國力學生死來。東都心猿。意馬就羈束。肯逐萬境爭。馳驅回看舊事。真一夢。清渭濁涇。良自殊。楚山歲晚。俄邂逅。雪屋對語。依圓蒲。勸子南游。下吳越。小航短棹。尋西湖。我家住處。湖岸北。如椽翠竹。森千株。竹間扣扉。試訪我。定有猿鶴聲相呼。



次韻高壽朋殿直喜雪

俄頃風雲變物華  
撒鹽飛絮闌輕花  
只應陋巷無貧者  
玉戶瑤階共一家

挾風穿隙打窗紗  
窗裏人看窗外花  
噴玉流珠君豈羨  
從來自是五侯家  
壽朋乃宣仁曾孫

書申正己秀才所藏雀竹圖後

荒園古壑雪溟濛  
細竹枯條共一叢  
寒雀喧飢正無賴  
輸他孔翠食樊籠

樊籠得食暫時憂  
身世經年類楚囚  
何似東阡與南陌  
暖風晴日恣遨遊

過韓氏莊登小閣

繚牆千堵氣雄深  
小構亭亭出數尋  
刈獲一空雲水白  
凭闌注目見遙岑

玉秀蘭芬好弟昆  
時來挾冊視田園  
園場古木千章合  
彷彿秦人避世材

鄭元規秀才內樂庵 陳叔易命名

內樂名庵誰所擇  
澗上文人題榜額  
想見風流庵內人  
定非紛華城中客  
紆朱懷金何足誇  
葷食瓢飲真生涯  
了無憂患到心境  
得失難虫良可嗟

李榮期秀才杞菊軒



草木助盤飧紛紛固多品精英唯竹萌香軟獨楮  
菌杞菊于其間甘清有餘韻達人忘口體道德自  
滋潤天隨與東坡風味實相近窮通均一致了不  
見喜愠春苗共採擷秋英配蘭紉後先屬文詞金  
聲而玉振李子妙窮經屢遭有司擯奔軍未云怯  
再舉當決陣開軒植杞菊淡泊守定分回頭語世  
俗未用謂飢困二豪勉躋攀孔聖故許進長卿亦  
何人區區能慕蘭

寄潘仲升

漢唐誇汝南豪傑不勝數山川有靈蓄鬱鬱久不

晤邇來見潘子秀色寔眉宇是家賢伯仲學術本  
鄒魯他時俱特立肯與噲等伍浪為葉城游邂逅  
得晤語異鄉逢歲宴越鳥思南舉江湖結後期細  
與論今古

次韻方平送李南仲赴試春闈

四溟鳧雁集天池十日先看後翮飛養氣有餘吞  
大敵窮經無繆識元微塵埃舊服辭阿絳雨露新  
袍授楚衣拜命還家春尚好桃花流水漲漁磯

劉福老長官佚老堂

淵明未掛冠志已躡方外何時辭五斗散髮從傲



既閑中氣味好。至樂無與對。黃香識君心。機事勸  
早計。古來軒冕事。端受外物制。有時纏蔓瓜。詎肯  
脫根蒂。一朝秋風至。零落驚漬漬。伏老得天和。晚  
景期百歲。起然閤里間。高風邈難繼。

贈權上人兼簡其見高致虛秀才

豫章山川足靈氣。天與四時滋。萬彙翹然雙幹秀。  
一門儒釋殊科道。無異一操經術游。廣文一事瓶  
盂尋祖意。功名生死兩俱徹。論報君親各無愧。上  
人餘力擅風騷。三昧何妨間遊戲。窮愁肯學郊與  
島。高瞻已能追晉魏。文章妙處均製饌。不妨醜酸

傷至味。少陵彭澤造其真。運斤成風有餘地。眉陽  
老人文所宗。此語得之吾敢秘。斯君向上踏玄關。  
奔逸絕塵那可跂。

孫傳師密學挽詞

淮海永冠盛門闈。占一時朝廷驚棟莠。人物得能  
巖。暫倚軒裳貴。還隨舟壑移。埋玉樹黃霧。慘新  
餘悲。逸氣凌松華。高標藹指紳。經綸真漢將。譚笑却胡塵。白首遭微謫。青雲

王畿初作邑。終日坐鳴絃。雅量能知變。平戎在未

然裕陵。俄識拔鵬鷺。遠騰騫二十。年間事淒涼。付

浙川



伯仲持衣日余方傾蓋初炷香翻貝葉酌茗飯園  
蔬一作邗溝別空傳桂嶺書升堂揖遺像回首意  
何如

孫志甫主簿挽詞

彼美荆岑玉斯人寔可倚眉間見和氣皮裏識陽  
秋夫子常稱德蓬山素並遊一官雖不壽撫已亦  
何羞君乃莘老之弟梅子明學士之友

篤學誰如子窮經志亦勤干將曾未試寶氣已沉  
淪天遠終難問眉酸謾自頽佇瞻蒲玉秀哀及墓  
中身

次韻張敏叔工部題郭殿直遠趣軒

高棟層軒何用為此軒雖小景無遺惜當麥壠堆  
青日不見波濤卷雪時眼底衣冠多邂逅胸中貴  
賤少參差郭君善人倫問君卜築隄上幾見春光上  
柳絲

蒙泉堂

百尺蒼崖底蒙泉自我名瀉涇滋造化汲引絕虧  
盈碧甃深仍固朱欄小易成殷勤中夜月長與照  
澄明

八月十七日夜夢中作



夜半秋江不見人。翠荷擎出露華新。江神水仙來  
共飲一掬遺我生精神。

哭休上人

從來疑造化無處識其真好月難終夕名花不盡  
春青燈照室白氈護遺中泣血冷慈母悲酸動四  
四鄰

遠隱堂

雅構何幽渺真宜遠隱名朝雲半峰秀夜月一簾  
明終歲塵痕少無時爽氣清炷香翻貝葉安穩老  
餘生

寧川西寺水閣呈周格非承議

岩堯畫棟與雲平一派寒流玉鏡清三島勝形方  
足擬千鈞筆力始能名鷗翻翠靄光中去山倚朱  
欄靜裏橫令尹政閑勤把酒風流未減謝宣城

僧首然師院北軒觀牡丹

鳥聲鳴春春漸融千花萬草爭春工紛紛桃李自  
撩亂牡丹得體能從容凋欄玉砌昇曉日輕薄煙  
霧初冥蒙深紅淺紫忽爛熳如以蜀錦羅庭中姚  
黃貴極未易覩綠葉遮護藏深叢露華膏沐披正  
色肯事天治分纖穠從來品目壓天下百卉羞澁



何莫敢同清淨老，禪根道妙即此幻。色談真空上人，  
封植匪玩好，庶敬先烈存遺風。邀芳公子應未耳，  
且樂樽俎怡歌鐘。

同法韻寄信上人

懷素高閑世罕追，今君端與若人同。龍蛇落紙驚  
飛電，心手相忘豈所思。驥子神駒天與俊，朝燕暮  
越足難羈。超然遽作雙溪別，肯學紛紛兒女悲。

昌化雙溪堂王府簽判

吳會溪山揔可憐，此堂雄覽獨能全。銀河西派來  
天上，黛色千峯落檻前。樵斧聲沉蒼靄裏，釣竿人

立白鷗邊。多才李賀知無敵，妙句行看陋衆妍。

用法韻寄詵上人

吾生出處異，周顓猿鶴休。驚蕙帳空木，筍薦盤非  
世味。胡麻供飯古人風，時翻貝葉千行偈。戰勝詩  
魔五字功，杖屨倘來償。素約與君同，盡此生中

山中書事

身世從來薄，所營晚歸丘。聲更忘情隨，眠煩惱何  
曾有。無樹菩提本，不生布襪青。鞋供我老月，溪沙  
路恣經行細。炊爨子齋頭，飯要配香芹。碧澗羹  
次韻孔天瑞秀才見寄



雙溪秋色最關情，想見登臨爽氣生。  
木落草枯山自瘦，潦收沙白水偏明。  
眼中舊事烟雲散，篋裏新書早晚成。  
來歲如今好時節，看君高步躡鵬程。

聽天竺慧照師琴

太古淳音久已虧，多君妙指善醫治。  
高山流水意雖在，白雪陽春和者誰。  
不放驚飈侵澗戶，只容明月待簾帷。  
滿堂賓客俱傾耳，共失芙蓉漏轉時。

寄伯言明發

御城東畔聽鳴珂，公子當年為我過。  
論議凜然無兩可，文章妙絕具三多。  
情親意合方傾倒，雲散風

流欲奈何，倘附南鴻寄消息。吾今踪跡闕崑阿。

過王師室觀雪川苑生梅花

桃李韻塵俗，江梅清獨妍。幽姿有時妬，如揖姑射

仙。從來丹青手，默數三四賢。徐熙擅江左，趙子名西川。  
中間復誰何，絕特推老邊。風流迨茲泯，范子俄超然。  
迺知苕霅勝，秀氣常回旋。斯人非畫師，勢利不可鐫。  
興來即揮毫，遊戲三昧前。一枝豈易得，答子能拳拳。  
橫斜有餘態，肌粉含霏烟。我來玩几席，歎賞徒流連。  
恨無處士詩，二妙相並傳。

處順齋



生前不用驚毀譽身後何須千載名處順安時真  
曠達本無哀樂動幽情

贈聖可證師

吾道日凋喪未流殊可嗟師門互開闢學者如泥  
沙欲求起然姿駕**廐搜**渥洼子初為兒童岐嶷衆  
所誇長能游學海宛轉空津涯誰**知蓬**蒿底忽覩  
挺生麻向來挈瓶孟同**我**棲煙霞朝昏事禪悅神  
觀靜不譁子今未三十涵養滋根芽行看覺苑中  
綽現優曇花

次韻通守楊叔豐大夫遊狼山

朱輪千騎擁郊坰政暇尋山固有名眼接青蒼心  
已喜身經曠野路尤平潮吞浦溆渾如海屢吐烟  
雲謾作城欲訪真仙迷紫府端空依約步虛聲  
吳楚封疆一望間時平無事可相關樂天標致元  
非俗靈運襟懷本愛山蠟屐斜穿橫嶺上角巾相  
對野僧間扁舟却恨南來晚勝事風流不預攀

過都監趙思正崇班容膝庵

公子居閑厭華屋一官江海辭羈束端能有志學  
淵明數板垣墉營小築榜名容膝雅所宜寄傲南  
窗聊自足祖宗承平逾百年宵緒蓄衍如雲烟敦



詩閱禮不勝數。人物似君尤卓然。論文講藝未易料。虛已下士常折旋。憶昔相逢大梁下。風味向人翻倒蔗。苦遭鰲鶴促還山。回首相望驚百舍。誰言江路渺雲濤。一舸春風重命駕。

酬王衣臣朝奉見贈

吾聞終南山鬱拂參斗牛。其下多賢豪。學術貫九流。公生寔異稟。氣奪河漢秋。妙齡升廣文。岐嶷壓上游。登科三十年。仕宦真悠悠。功名信有命。富貴豈力求。迺來居海上。未解鍾儀囚。高懷素聞道。對客忘咿嘷。相權固傾倒。不可即掉頭。今我來自東。

邂逅欣綢繆。新詩激謬孺。詞力勁且道。恍如開武庫。左右森戈矛。便當偃旗鼓。罷戰為良媒。與公從逍遙。放浪追子休。

觀宗室伯山司戶詩卷

參軍暫輟簿書忙。為我聊開古錦囊。玉骨已能含秀氣。珠璣那解不輝光。王孫挾策真難事。妙質如君豈易量。他日讐書天祿閣。聲名端可繼劉郎。

次韻思正雨中偶興

招提岑寂古城隈。海雨江風日日來。但覺園林芳意盡。不知紫紅為誰開。花飛南陌渾空柳。綠染中



庭半是苔有客衝泥能過我筇輿馳褐夜深回

酬趙存道都曹見贈

騷人久無聞風雅日浸衰汀洲空蘭芷憔悴無芳  
姿參軍妙述作鮑謝相並馳明珠不自耀光彩闕  
陸離聊因五斗粟暫寄東海涸官身雖薄領游及  
能一麾寥寥古寺空轉砌春日遲閑闕時却掃寂  
寂下書帷唐虞悉觀覽百氏了不遺論文慎許可  
紀律嚴自持昨朝發新咏落語昏瑰竒世無楊德  
祖詎識黃絹詞

次韻思正游南寺賞牡丹

叢芳依小院妙色發纖穠綽約宜朝露溫柔怯午  
風興隨歡宴盡事運斷雲空應待餘縻放招携更  
與同

贈思正令子

堪愛君家小鳳雛炯然眉日照冰壺他年足送詩  
書圃翰墨場中千里駒

思正挈家游張氏園有詩俾余次韻

邦人莫訝氣如虹生長皇家富貴叢陶寫年華樽  
俎外吟哦風物笑談中伶倫奏曲千般巧錦綵纏  
頭一樣紅琴瑟獻酬還可樂牽衣兒女復相同



維揚秋日西郊

雨洗高梧爽氣浮  
鳴蟬相喚作新秋  
翻空白鳥一行去  
目送岡巒欲盡頭

瓜花零落豆花繁  
秋入隋家舊苑看  
水調遺音今寂寞  
空餘壞道瀉哀湍

潦水初收古澗清  
小橋斜倚數魚行  
神林社日傳簫鼓  
秋稼如雲

枯榆偃蹇若蒼龍  
影占荒郊半畝宮  
下有牧羊雙稚子  
卧吹蘆管對西風

四明前天寧參寥後喬宗諲重集

智果禪寺遠孫比丘

廣暄 廣曉

廣皞 廣昕

廣曦 曇夢

曇散

助資重刊



此頁在前

附錄

釋氏寶鑑

錢塘僧道潛參寥子以詩見知于蘇文忠公凡唱  
和形于翰墨必曰參寥宋哲宗朝丞相呂公奏賜  
妙摠大師號後與簡牘則曰妙摠公老師公離錢  
塘江上西興浦口幾度斜暉不用思量今古倪仰  
昔人非誰似東坡老白首忘機記取西湖西畔正  
好暮山好處空華烟霏詩相得如我與君稀約  
他年東還海道謝公雅志莫相違西湖路不應回  
首為我沾衣



迂齋古文

後山陳公師道極口論僧詩工拙參寥云此不足  
論論釋氏當先乎道公曰禪非意想道絕功勳作  
麼生論師曰欲得現前莫存順逆師東歸公餞以  
序妙摠師大覺老令嗣眉山公之客少游公之友也  
釋門之表士林之秀而詩苑之英也游公卿大夫間  
名于四海者三十年其議古今張弛情貌肖否言  
之從違詩之精粗若水赴壑阪走丸傾囊出物鷲  
鳥舉而風迫之也若升高視下爬癢而鑑貌也元  
符冬去魯還吳道徐而來見余與之別餘二十年

後見于此愛其詩讀不舍手屬其談挽不聽去夜  
坐語及唐詩僧參寥子曰貫休齊己世薄其語然以曠  
蕩送羣之氣高世之志天下之譽王侯將相之奉  
而為石霜老師之後終其身不去此豈用意于詩  
者工拙不足病由是而知余之所貴乃其棄餘所  
謂淺為丈夫者於其行以叙序謝之



圖書

國立中央圖書館藏



